



Pekuakamiulnuatsh  
Takuhikan

## Kueketshimueun Ueueshtaun tshetshi eshi nashimuhk e utshimakanuatsh Pekuakamiulnuatsh Takuhikan

### Tipelitamun ka utshimakanuatsh shuk ka ui mishkutunekanitsh

Ume mashinahikan uihtekanu tshekuan shuk e ui mishkutunekanitsh nite Tipelitamun e Utshimakanuatsh, makuatsh pamipalu ne kueketshimueun kutulnu ashu kutuass e tshishtuakanit tshishe-pishim<sup>u</sup> luash kutuass e tshishtuakanit matishu-pishim<sup>u</sup>. Ui nanitu tshisselitakanitsh tan eishi tutakanitsh ne kueketshimueun, ilnuatsh kamashinatihutishuta ute ilnussitsh tshipa tshi nanitu tshisselitamuatsh nelu uihtamatsheun kie mahk kutaka mashinahikana nite atusseun katshitapitakanitsh, itshishteu [www.mashteuiatsh.ca](http://www.mashteuiatsh.ca), kie nite Pekuakamiulnuatsh Takuhikan 1671, Ouatshouan meshkanau makie nete Katapuatakanitsh-mashinaikan, 77, Uapakalu meshkanau, Mashteuiatsh.

### Mishkutunekanu tshetshi milushtetsh kie tshetshi tshisselitakuatsh tan e ishinikateka tshekuanishi nite Tipelitamun mashinahikanitsh

Mamen takuan e ui mishkutunekanitsh namieu shuk ka mishta apitelitakuatsh ei ne tshetshi milushtetsh kie tan ei shinikateka tshekuanishi, ne ua tutekanitsh muhk tshetshi eka alimitsh e tapuatakanitsh kie tshe milushtatakuatsh kie mahk ne aimuna tshe apishtakanitsh takuan tshetshi miam ituanuatsh nuhtshish e papiliuku. Kie tshetshi nashpitsh nashekanitsh ume mashinahikan miam eishinakuatsh tshetshi apishtakanitsh e ui tutakanitsh uss tipelitamun makie kau uitshitapitekanitsh tipelitamuna e takuatsh.

### Tan ishpish miam tshe utshimakanuatsh

Ui tutakanu tshetshi kau tshitapahtakanitsh tan ishpish miam tshipa utshimakanun, upuhu-pishim<sup>u</sup> tshipa utshimakanun, nuhtshish uil utshimakanun mashtel ne ushkatsh atushkanutsh e tshishtuhakanit nissi-pishim<sup>u</sup>. Ne uatutakanitsh, ei nelu tshetshi tapishkuatsh tshissipalitata nelu e tshishtapalitsh peikupun ueueshtaun ashitsh kie e utshimakanulitsh. Nishtulnu ashu peik<sup>u</sup> uinishkupishim<sup>u</sup> miam tshishtuapalu peikapun shuliau e alimutekanitsh. Kie mahk miam uapikun-pishim<sup>u</sup> e tapuetakanitsh shuliau tan tshe eishi itapashtakanitsh kie Peikupupun mashinahikan Pekuakamiulnuatsh Takuhikan, ne uatutekanitsh tshetshi nitshe ka takuhimatsheta shash ka tata tshetshi tapuetaka nelu shulialu tshe eishi itapishtakanitsh kie ne Peikupipun mashinahikan Pekuakamiulnuatsh Takuhikan tshetshi uapahtalata utilnimuaua eshku eka tshishtata e takuhimatsheta. Nissi-pishim<sup>u</sup> e utshimakanuatsh apu ishinakuatsh. Nitshe uss ka tshimilakanita tshipa tshi mahk kau tshitapahtamuatsh uiluau tan eishi uapahtaka nelu shulialu e alimutekanilitsh tanite miam tshe mishituepalitata tshekualu, ne atusseun tutekanu miam ushkuhu-pishimu, tshetshi kie aieshku maminuelitaka tshe peikupupunitsh shuliau e tshitapahtakanitsh. Ne ka mishkutunekanitsh tshipa apishtakanu tshe utshimakanuatsh 2020-2021.

### Tan ishpish tshe mashinatahutishunanuats e ui tshisselimakanita tshe shaputuopalita ka takuhimatsheta

Ui atshunekanu ne ei ashuapahtekanitsh ne miam ka kapatshishinakanita ka takuhimatsheta kie tshipa tshi ishinakan tshetshi tshe utshimakanuatsh katshi nishtu pipuna takuhimatsheta. Ne ka ui tutekanitsh muhk tshipa ashuapahtakanu peteshtulnu ashu nishuasht tshishikua ume mahk nuhtshish peikumitashmitelinu tshishikua ashuapahtekanu.



**Pekuakamiulnuatsh  
Takuhikan**

Ne ua tutekanitsh tshetshi eka shuk nikahikutau tshekualu nitshe ka uluitshishuakanita ka takuhimatsheta tshipa tshi uesh an ishinakunilu tshe uluitshishuakanita katshi nishtapuna takuhimatsheta, ei ne tshipa tshi ituanun miam eka shutshelimuakanita nitshe katshi takuhimatsheta. Ei ne tshetshi eka shuk tshiniualitsh utakuhikan-atusseunuau usham tshipa tshi kuekuetshimuakanuatsh eshk e mishta-apatelitakunilitsh utakuhikan-atusseunuau.

### **Tan eishi nashekanitsh ne e ui tshisselimakanita tshe shaputuepalita ka takuhimatsheta ka takuhimatsheta**

Ui tutakanu tshetshi nashekanitsh ne nite e mashinatuhutishunuanuatsh kie nite e ui tshisselimakanita tshe shaputuepalita ka takuhimatsheta, tshe apashtakanitsh ne ka mishkutunekanitsh. Ne ka ui tutekanitsh takuan tshetshi tshishtin nishtakanitsh kie eka tshekuan takutsh.

### **E iapititsh e pihtahekanitsh atusseun**

Ui tutakanu ne katakühimatshet tshipa tshi pihtaham utatusseun e akushit, e ashupamaushit e utaiiht takuan kie e nashpitsh kunelamat auass tapuetakunilitsh nite utsh e nishkateta e utshimau aiminanutsh tshetshi eka nikatihk utapun. Ume ka ui tutakanitsh shuk tshetshi tshisselitakuatsh tshe ashpitshishimut e pihtahak utakuhikan-atusseun nanuhkutin tshipa tshi ishpalu eka uil e tutak tshe pihtahak eluetsh tshetshi shutshelitamakunilitsh.

### **Kutaka tshekuan tshe unitaht utapun ka takuhimatshet**

Ui tutakanu tshetshi ashu ashtakanitsh kutak tshekuan tshetshi unitaht katakühimatshet utapun, katshi matikushkuakanit katshi mitshitutak e utshimaukanunilitsh. Ume ua tutekanitsh tshetshi miam tshisselitakanitsh tshek ahituna eka tapuetakanitsh tshe tutakanitsh kie mahk tshimishkutunekanilitsh ka uitshishiuet utapelitamun nelu mamishtshemun atusseun. Nelu uatutuka tshika takunilu tshetshi tshishtin nashekanitsh tshetshi anuelitakanitsh eka milu- nashekanitsh e utshimaukanuatsh, tshetshi mishtaiakua tutakanitsh ne mashinahikaniss kanaushunakanit kamashinatihutishit kie tshetshi eshku shutshelitaka ilnuatsh nelu ka tapishkuatsh eishi tshitapamakanita ilnuatsh.

### **Anuelitamun ka mishta-tshikanakuhakanit ne katakühimatshet**

Ui tutekanu ume ne katakühimatshet e nashuakanit katshi mitshitutak tshekualu e takunilitsh nite mashinahikanitsh tipelitamun katshikanakuhakanit auen (Code Criminel (L.R.C. (1985), c. C 46)) tshetshi kapatshishinakanit nite katakühikan atusset.

### **E tshipiatikuakanita eshk<sup>u</sup> eka tshitshue mashinatihutishunuanuatsh**

Ui tutakanu tshetshi alu mashinatihutishinuanuatsh tshika ashushtakanu kutek tshishiku tshetshi naushunakanitau katshimilakanita eshk<sup>u</sup> eka tshitshue utshimaukanuatsh kie tshetshi eka nanitu tshisselitakanitsh tshekuan ne shuk ui tshipiatikushtat uipatsh.

### **Auen tshe pitahimatshet (tshipiatikushtuht katshimilakanitau)**

Ui tutakanu tshetshi milu-tshisselitakuatsh ume auenitsh e miam eka katshi pitahimatshet (tshipiatikushtuhtau ka tshimilakanitau), ei nitshe eka ka nanakatshishitshitau e peikussita, nitetshe utshatshapalu ne ka ueueshtaht. Ne tipelitamun nuhtshish e tukuatsh ei nelu auenitsh eka milu- nanakutuelimakanitau eka tshe milu-atusseshtatishit e



**Pekuakamiulnuatsh  
Takuhikan**

peikussita, eukuan mahk ne e mitshetsh maminetshikana e ua uihtakanitsh ne.

### **Tapuetamun tshetshi auen ui tshimilitishit**

Ui tutakanu tshetshi auen ka nikanipita nite Pekuakamiulnuatsh Takuhikan tshetshi mashinatuhutishit e takuhimatshet katshi kupanitishit makie katshi aluepit eka e tshishikuahkanit ne shkan utshimaukanuatsh namieu uil shkan takuhimatshanuatsh miam nuhtshish e tutakanitsh, ei ne usham mishta-apatelitakun ne e tutakanitsh. Ne ua tutakanitsh tshetshi alu mitshetata auenitsh e shuk e ui takuhimatshet. Ne aimun 2.9 g) ituemikan ne ka atusset tsheik ma pihitshet milakanu peik<sup>u</sup> pishim<sup>u</sup>, nishtulnu tshe tshika tshetshi kuetshimuet kie tshikashtinik aluepun eka mahk tshishikuakanit makie tshetshi uluitshishinitishit usham apu tshikanuelitik nish<sup>u</sup> atusseuna.

### **Tshitshisselimakan auen**

Ui tutakanu tshetshi nitshe ka mashinashita tshe uapahtaliueta kalu tshetshi tshisselimakan eukuan ne miam auen, kie akunakanit e taht nite kalu ei ui tipiashtikushkuhat auelu muhk tshetshi eshk<sup>u</sup> shutshelitakanitsh ne shuk ka e tshitapimakanita tapishkuatsh ilnuatsh. Tshipa tshi kie mashinatihutishu auen eka tahlitsh kalu tshika tutakanu aitsh tshekuana.

### **E uapahtiliuanuatsh mashinahikan kamashinahshit auen**

Tshetshi mishta-iakua tutakanitsh e uapahtaliuanuatsh ne mashinahikan muhk utshishinakashunuau tshika mashinatelu.

### **E kanuelimakanita kalutsh ka utshimaukanuatsh**

Ui tutakanu tshetshi eka aliminilitsh ne aitun e kanuelimakanita kalutsh ka utshimaukanuatsh tshetshi milu-tshipihakanitau, Tshika tutakanu miam eishi uapahtik kanikanipit e utshimaukanuatsh tshetshi eka shuk aliminilitsh uatutekanitsh tshekualu.

### **Kau utshimaukanun**

Ui tutekanu tshetshi kau utshimaukanuatsh tshek ma eshpaliitsh eka shutshelitakuatsh tapuetakanitsh ne ka utshimaukanuatsh ei ne ka mashinahtetsh tipelitamun 12.7.6 tshetshi tshishtin ne ka utshimaukanuatsh tshipa tshi anuelitakanu takuatsh kalapa tshe anuelitakanitsh.